

UNIVERZITET U TUZLI

Na osnovu člana 96. Zakona o visokom obrazovanju ("Službene novine Tuzlanskog kantona" broj 8/08, 11/09 i 12/09), člana 75. stav 1) tačka 12) Statuta Univerziteta u Tuzli i Odluke Senata Univerziteta u Tuzli o broju studenata za upis u prvu godinu prvog ciklusa studija na Univerzitet u Tuzli, te utvrđivanju visine školarine i participacije u troškovima studija u akademskoj 2012/13. godini, broj: 03-5069-1/12 od 06.07.2012. godine, raspisuje

K O N K U R S

ZA UPIS STUDENATA U I GODINU PRVOG CIKLUSA STUDIJA NA ODJELJENJE U TRAVNIKU UNIVERZITETA U TUZLI U AKADEMSKOJ 2012/2013. GODINI

I OPŠTE ODREDBE

USLOVI ZA PRIJEM STUDENATA

Član 1.

Pravo učešća na Konkursu imaju kandidati državljani BiH, strani državljani i lica bez državljanstva koji su završili srednju školu u četvorogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

Pravo učešća na Konkursu imaju i kandidati sa završenom srednjom stručnom školom u četvorogodišnjem trajanju, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srodnoj školi, o čemu prilažu odgovarajući dokaz.

Pravo za prijem na studij imaju nezaposlena/izdržavana lica koja imaju prebivalište na području Srednjobosanskog kantona.

Član 2.

Na Odjeljenje u Travniku Univerziteta u Tuzli u akademskoj 2012/13. godini u prvu godinu prvog ciklusa studija prvi put će se upisati sljedeći broj studenata:

Red.br.	Naziv fakulteta Studijski program	Redovni studij
		Finansiranje iz Budžeta SBK
1.	Ekonomski fakultet	60
	• Poslovna administracija (trogodišnji)	60
2.	Filozofski fakultet	60
	• Engleski jezik i književnost	30
	• Bosanski jezik i književnost	30
3.	Tehnološki fakultet	30
	• Prehrambena tehnologija	30
	UKUPNO:	150

Član 3.

Upisni rok će se realizovati u terminima kako slijedi:

- podnošenje prijave vršit će se od 29.08. do 05.09.2012. godine;
- prijemni ispit održat će se 06.09.2012. godine u 10,00 sati;
- privremena rang-lista kandidata objavit će se do 07.09.2012. godine, a konačna 12.09.2012. godine;
- upis primljenih kandidata obaviće se od 12.09.2012. do 17.09.2012. godine.

Član 4.

Univerzitet u Tuzli upisuje utvrđeni broj studenata prema opštim i pojedinačnim kriterijima, te uspjehu na prijemnom ispitu.

Prijemni ispit polažu svi prijavljeni kandidati.

Rangiranje kandidata vrši se na osnovu ukupnog broja bodova ostvarenih prema slijedećim kriterijima:

1. opšti kriteriji odnose se na postignuti uspjeh u srednjoj školi i iznose najviše 50 bodova;
2. pojedinačni kriteriji odnose se na prosjek ocjena iz jednog do tri predmeta, iz dva razreda srednje škole, koji su od značaja za odgovarajući studij, a koji donosi kandidatu najviše 10 bodova.
3. prijemni ispit polaže se iz jednog do tri predmeta, koji su od značaja za odgovarajući studij. Ukupni rezultat sa prijemnog ispita vrijednuje se sa maksimalno 40 bodova.

Član 5.

Broj bodova po osnovu opštih kriterija utvrđuje se tako da se prosječna ocjena (zaokružena na dvije decimale) iz svih predmeta, u svim razredima srednje škole, množi brojem 10 (deset).

Član 6.

Broj bodova po osnovu pojedinačnih kriterija utvrđuje se tako da se prosječna ocjena iz jednog do tri predmeta, u skladu sa Konkursom, iz dva razreda srednje škole koji su od značaja za odgovarajući studij, množi brojem 2 (dva) i nakon toga zaokružuje na jednu decimalu.

Član 7.

Prijemni ispit je eliminatoran.

Kandidat na prijemnom ispitu mora ostvariti najmanje **24 boda** da bi ušao u dalje rangiranje, osim na Akademiji dramskih umjetnosti gdje je potrebno da kandidat osvoji najmanje **40** bodova.

Član 8.

Prijavu na Konkurs na propisanom obrascu, sa odgovarajućom dokumentacijom, kandidati su dužni podnijeti u utvrđenom roku lično studentskoj službi Odjeljenja u Travniku.

U prijavi na Konkurs kandidat mora naznačiti studijski program fakulteta na koji se želi upisati.

Uz prijavu se obavezno prilažu: originalno svjedočanstvo o završenom srednjem obrazovanju, originalna svjedočanstva sva četiri razreda srednje škole, Izvod iz matične knjige rođenih ili ovjerena fotokopija CIPS-ove lične karte/kopija pasoša za strane državljane, kopiju Potvrde CIPS-a o prebivalištu i Uvjerenje o državljanstvu (ne starije od 6 mjeseci).

Kandidati koji su srednju školu završili u inostranstvu prilažu i rješenje o nostrifikaciji svjedodžbe o završenom srednjem obrazovanju ili potvrdu nadležnog ministarstva da je postupak u toku.

Kandidat koji ne ostvari pravo na upis dokumenta predata uz prijavu na Konkurs lično preuzima u studentskoj službi Odjeljenja u Travniku.

Prijave podnesene poslije utvrđenog roka, kao i nepotpune prijave (bez odgovarajućih dokumenata) neće se uzeti u razmatranje.

Provođenje Konkursa za upis je oslobođeno takse.

Za bliža obavještenja kandidati se mogu obratiti studentskoj službi Odjeljenja u Travniku lično ili putem kontakt telefona, te korištenjem web stranice Univerziteta: **www.untz.ba**

Član 9.

U akademskoj 2012/13. godini studenti, državljani Bosne i Hercegovine, participiraju u troškovima studija ili plaćaju školarinu u iznosu utvrđenom Odlukom o broju studenata za upis u prvu godinu prvog ciklusa studija na fakultete/Akademiju Univerziteta u Tuzli te utvrđivanju visine školarine i participacije u troškovima studija u akademskoj 2012/13. godini, koja će biti objavljena na oglasnoj ploči studentske službe Odjeljenja u Travniku i na web stranici Univerziteta.

II POJEDINAČNE ODREDBE KRITERIJI ZA UPIS

Član 10.

1. EKONOMSKI FAKULTET U TUZLI Studijski odsjek: Poslovna administracija

- Predmeti koji se boduju po pojedinačnim kriterijima su: Informatika i Demokratija i ljudska prava.
- Prijemni ispit: Test iz predmeta Informatika i Demokratija i ljudska prava.

2. FILOZOFSKI FAKULTET U TUZLI

Studijski program: Bosanski jezik i književnost

- Predmet koji se boduje po pojedinačnim kriterijima je Bosanski/Hrvatski/Srpski jezik.
- Prijemni ispit: Test iz predmeta Bosanski/Hrvatski/Srpski jezik i književnost.

Engleski jezik i književnost

- Predmeti koji se boduju po pojedinačnim kriterijima su: Bosanski/Hrvatski/Srpski jezik i Engleski jezik.
- Prijemni ispit: Test iz engleskog jezika.

3. TEHNOLOŠKI FAKULTET U TUZLI

Studijski program: Prehrambena tehnologija

- Predmeti koji se boduju po pojedinačnim kriterijima su Matematika i Hemija.
- Prijemni ispit: Test iz predmeta Hemija.

III PROCEDURE ZA PRIJEM I UPIS STUDENATA

Član 11.

Postupak realizacije ovog Konkursa na Univerzitetu provode Komisije koje imenuju dekani fakulteta. Komisije su dužne da obezbijede tajnost ispitnog materijala i druge dokumentacije do okončanja prijemnog ispita.

Nakon provedenog prijemnog ispita, Komisija fakulteta sačinjava privremenu rang-listu i objavljuje je na oglasnoj tabli fakulteta u roku utvrđenom ovim Konkursom.

Privremena rang-lista se utvrđuje prema ostvarenom broju bodova po opštim i pojedinačnim kriterijima i uspjehu na prijemnom ispitu i to od najvećeg do najmanjeg broja ostvarenih bodova.

Na objavljenu privremenu rang listu kandidati mogu uložiti pismeni prigovor naučno-nastavnom/umjetničko-nastavnom vijeću fakulteta putem Komisije za žalbe, a isti se predaje putem studentske službe Odjeljenja u Travniku, u roku od 3 (tri) dana od dana objavljivanja privremene rang-liste.

Konačnu Odluku po žalbi donosi naučno-nastavno vijeće fakulteta, nakon čega utvrđuje konačnu listu, koju objavljuje na oglasnoj ploči fakulteta narednog dana od dana usvajanja, sa naznakom kandidata koji su ostvarili pravo na upis.

IV ZAVRŠNE ODREDBE

Član 12.

Upis kandidata vrši se na osnovu konačne rang-liste.

Prilikom upisa primljeni kandidati su dužni priložiti ljekarsko uvjerenje i dokaz o uplati participacije/školarine u troškovima studija.

Za upis primljenih kandidata na Univerzitet, kandidati prilažu i popunjen propisani upisni materijal: prijavni list, upisni list, semestralni list i upisnicu - index, te dvije kolor fotografije formata za indeks, a o čemu će dobiti potrebne informacije putem oglasne ploče Odjeljenja u Travniku.

Napomena kandidatima: Preporučuje se kandidatima da, prije podnošenja originalnih dokumenata na Konkurs obezbijede, za sopstvene potrebe, odgovarajući broj ovjerenih fotokopija dokumenata, jer se upisanim kandidatima dokumenta neće moći ni privremeno izdavati.

Po završetku studijskog programa stiče se akademska titula, odnosno stručno zvanje u skladu sa Pravilnikom o korištenju akademskih titula i sticanju naučnih i stručnih zvanja na visokoškolskim ustanovama u Tuzlanskom kantonu i Listom zvanja (Službene novine TK broj 14/11).

Predsjednik Senata